

## Туурсн герой

Элст балгъсна мехлесхозин улан шугъу. Игӓрӓн Хальмг АССР-н Деед Советд депутатин кандидат заадж темдглхин толӓ кӓдлӓчнр болн церглӓчнр хургт ирцхӓв.

Мехлесхозин партийн организацин сеглӓтрин дарук ӓр Н. В. Волин тӓрӓн ӓг авб.

Хальмг АССР-н Деед Советд депутатин кандидатд, итклтӓ ӓрн, гражданск дӓӓнӓ нертӓ цергч, Советск Союзин Герой Ока Иванович Городовиковиг би заадж бӓӓнӓв. О. И. Городовиков—отставкд бӓӓх генерал-полковник, 2-ч Мӓртӓ Цергин командир болдж йовсмн. Эн церглӓ хамдӓн дӓӓллдж йовсн йӓвгӓн дивизд би товин батареид цергдж йовлав. О. И. Городовиков—нертӓ кандидат болдж мана даалгъвриг кӓцӓх гидж, би тоолджанав.

—О. И. Городовиков мана станицд бслж-боссмн. Кесг джил хооран эн мана эцклӓ

хамдан Макрицын байнд заргддж йовсмн. Бичкндӓн Ока Ивановичиг сӓн таньдг билӓв. Терӓнӓс нааран кесг джил давб. Тер цагин эргцд О. И. Городовиков алдр нертӓ, государственн ӓӓлдӓч болв. Би ӓнн ухан-седклӓсн О. И. Городовиковин кандидатиг дӓвӓнджӓнӓв,—гидж балгъсна Советд кӓдлдг ӓр Меченова келв.

Тууджин келнӓ болн литературин научн-шинджллгӓнӓ институтин багъчудин нерн деерӓс ӓр Надбитов ӓг келв:

—О. И. Городовиков олнӓмгнд туурсн нерӓр бидн бахтнавдн. Би ухан-седклӓрн Советск Союзин Герой О. И. Городовиковин кандидатуриг ик гидг халунар дӓвӓнджӓнӓв.

Хург О. И. ГОРОДОВИКОВИН кандидатиг Хальмг АССР-н Деед Советин депутатин кандидатд темдглх тогтавр авб.